

Arkivsak
24/00617-7
Saksbehandler
Marianne Lundeborg



Saksgang
Tokke kontrollutval

Møtedato
13.03.2025

Tilbakemelding til kontrollutvalet i høve skulemiljø

Innstilling fra sekretariatet

Forslag 1: Saka vert teken til vitande.

Forslag 2: Kontrollutvalget ber om ei tilbakemelding på kva som er gjort med avvika frå statsforvaltaren sin rapport «Tilsyn med Tokke kommune sitt arbeid for å sikre eit trygt og godt skulemiljø» i løpet av hausten 2025.

Bakgrunn

Tokke kontrollutval handsama i møte 03.10.2024 sak 16/24 orientering om skulesektoren med fokus på mobbing.

Kommunalsjef skule Tone Lunde Skaalen orientera munnleg i saka, og svara på spørsmål fremma direkte i møtet. Orienterte om tilsynsrapport frå statsforvaltar som kommunen har til oppfølging.

Kontrollutvalet fatta følgjande vedtak:

Orienteringa vert teken til vitande.

Kontrollutvalet ynskjer å få tilsendt tilsynsrapporten frå statsforvaltar og kommunen sine svar på tilrådingane frå rapporten.

Saksopplysninger

Kommunalsjef skule Tone Lunde Skaalen har oversendt vedlagte dokument:

Førebels tilsynsrapport - Tokke kommune skulemiljø internkontroll og

Tilbakemelding til kontrollutvalet i høve skulemiljø datert 13.01.2025.

Frå vedlagt rapport:

kapittel 6.2 Vurdering av om kommunen gjennom sin internkontroll sikrar at plikta til å melde frå blir oppfylt.

Statsforvaltarens konklusjon

Kommunen sikrar at alle som arbeider på skolen, oppfyller plikten til å melde frå ved mistanke om eller kjennskap til at ein elev ikkje har et trygt og godt skulemiljø, eller blir krenkt av ein som arbeider på skolen.

Kapittel 7.2 Vurdering av om kommunen gjennom sin internkontroll sikrar at undersøkingsplikta blir oppfylt

Statsforvaltarens konklusjon

Kommunen sikrar ikkje at skolen og skoleeigar oppfyller plikten til å undersøke saka ved mistanke om eller kjennskap til at ein elev ikkje har eit trygt og godt skolemiljø, eller blir krenkt av ein som arbeider på skolen.

Kapittel 8 Varsel om pålegg og retting Vi har funne at de ikkje overheld regelverket på alle område.

Kommunen som eigar har det overordna ansvaret for at krava i opplæringslova og forskriftene til lova blir følgde. Vi varslar at vi vil fatte eit vedtak der vi pålegg dykk å rette opp følgjande forhold, jf. opplæringslova § 29-2 første ledd, jf. kommunelova § 30-4:

Plikta til å undersøke saka

Kommunen skal sikre at skolen og skoleeigar oppfyller plikta til å undersøke saka ved mistanke om eller kjennskap til at ein elev ikkje har eit trygt og godt skolemiljø, eller blir krenkt av ein som arbeider på skolen, jf. opplæringslova § 12-4, jf. kommunelova § 25-1. Statsforvaltaren i Vestfold og Telemark Førebels tilsynsrapport Tokke kommune 2024/9003 19

1. Kommunen må sikre at skolen undersøker saka snarast ved mistanke om eller kjennskap til at ein elev ikkje har eit trygt og godt skolemiljø.
2. Kommunen må sikre at skolen og skoleeigar dokumenterer kva som blir gjort for å oppfylle undersøkingsplikta.

Frist for tilbakemelding var 16. januar 2025.

Frå vedlagt dokument:

Tilbakemelding til kontrollutvalet i høve skulemiljø

Viser til vedtak i kontrollutvalet i Tokke der de ønskjer å sjå rapport for tilsyn på «Tokke kommune sitt arbeid for å sikre eit trygt og godt skulemiljø» Dette er ei førebels rapport,- men kjem ikkje til å bli endra i innhald. Rektor på Tokke skule og underteikna hadde eit møte med Statsforvaltar , torsdag 09.01 – 2025. I dialogmøte med Statsforvaltar fekk me tilbakemelding på at mykje er på plass kring rutinar,- men må rette på følgjande:

- **Må ha betre rutinar på å dokumenter**
- Må bli betre til å gjennomføre risikorutinar. Ros – analyser
- **Det tek for lang tid før tiltaksplanar er på plass i enkelte av sakene**
- Nokre planar må justerast (nye paragrafer) i høve ny opplæringsplan

Oppvekst og Tokke skule er i gang for å rette opp brota/avvika.

Frå Tone Lunde Skaalen: *Me har frist til 31.03 for å rette opp. Avvik som skal rettast opp er det som er markert med gult. Dei to andre punkta er berre nevnt (og er allereie retta opp i)*

Kommunalsjef skule Tone Lunde Skaalen møter i saka.

Sekretariatets vurdering

Sekretariatet legger frem to forslag til vedtak.

Forslag 1: Saka vert teken til vitande.

Forslag 2: Kontrollutvalget ber om ei tilbakemelding på kva som er gjort med avvika frå statsforvaltaren sin rapport «Tilsyn med Tokke kommune sitt arbeid for å sikre eit trygt og godt skolemiljø» i løpet av hausten 2025.

Vedlegg:

- Tilbakemelding til kontrollutvalet i høve skolemiljø 13.01.2025
- Førebels tilsynsrapport - Tokke kommune skolemiljø internkontroll 317180